

## ФУҚАРОЛИК ҲУҚУҚ ВА БУРЧЛАРИНИНГ ВУЖУДГА КЕЛИШ АСОСЛАРИ

Хушбоқова Нигора Файрат кизи

Термиз давлат университети Юридик факультети Юриспруденция таълим йўналиши 3-боскич талабаси

[Nigora.0303@icloud.com](mailto:Nigora.0303@icloud.com)

**Аннотация:** ушбу мақолада фуқаролик ҳуқуқининг ҳуқуқ соҳалари ичидаги туттган ўрни, мамлакатимизда амалга оширилаётган ислоҳотлар, фуқаролик ҳуқуқ ва бурчларининг вужудга келиш асослари батафсил ёритилган.

**Калит сўзлар:** мулкий, шахсий номулкий ва шахсий ҳуқуқлар, корпоратив муносабатлар, битим, шартнома, патент, ихтиро, интеллектуал мулк, ҳодиса, факт, қонуний ва ноқонуний факт ва х.

Мамлакатимизда амалга оширилаётган ислоҳотлар фуқаролик муомаласи иштирокчилари билан боғлиқ муносабатларни ҳуқуқий тартибга солиш билан бевосита боғлиқдир. Бозор муносабатларига ўтиш, иқтисодиётда хусусий мулкнинг мавқенини ошириш, хусусий мулкдорлар синфини шакллантириш, тадбиркорлик фаолиятига кенг йўл очиб бериш, бозор инфратузилмаси институтларини ташкил этиш, рақобат мухитини шакллантириш, тадбиркорлик фаолияти субъектлари ҳуқуқ ва манфаатларини ҳимоя қилиш айни кунда долзарб масалалардан ҳисобланади.

Дарҳақиқат, ижтимоий ҳаётимизнинг барча соҳаларида туб ислоҳотлар амалга оширилмоқда. Иқтисодиёт либераллашиб, ислоҳотлар чуқурлашмоқда ва кишиларнинг тафаккури, ҳуқуқий онг ва ҳуқуқий маданияти юксалмоқда, ўз мулкий ва шахсий ҳуқуқларини вужудга келиш ва ҳимоя қилиш борасида амалий кўникмаларга эга бўлмоқда.

Бунинг натижасида мамлакатимиз, шаҳар ва қишлоқларимиз қиёфаси таниб бўлмас даражада ўзгариб бормоқда, ишлаб чиқариш ва саноат жадал суръатлар билан ривожланмоқда, унинг таркиби тубдан янгиланмоқда, юқори технологияларга асосланган замонавий корхоналар ишга туширилиб, ишлаб чиқариш модернизация ва диверсификация қилинмоқда, иқтисодиётимизнинг рақобатдошлиги ошмоқда.<sup>1</sup>

Маълумки, фуқаролик ҳуқуқи юриспруденциянинг асосий соҳаларидан бири ҳисобланади. Ҳуқуқий муносабатлар таркибида эса фуқаролик-ҳуқуқий муносабатлар асосий мавқени эгаллади. У мулкий ва шахсий ҳуқуқлар билан боғлиқ муносабатларни тартибга солишда муҳим аҳамият касб этади.

<sup>1</sup> Каримов И.А. Асосий вазифамиз – жамиятимизни ислоҳ этиш ва демократлаштириш, мамлакатимизни модернизация қилиш жараёнларини янги боскичга кўтаришдан иборат. Ўзбекистон Республикаси Биринчи Президенти Ислом Каримовнинг Ўзбекистон Республикаси Конституцияси қабул қилинганинг 23 йиллигига бағишиланган тантанали маросимдаги маъруzasи. //Халқ сўзи, 2015 йил 6 декабрь.

Хуқуқий муносабат иштирокчиларининг юридик жиҳатдан тенглигига асосланган мулкий, шахсий ва ташкилий муносабатларни хуқуқий тартибга солишида, шахслар ўртасидаги ўзаро алоқаларни шартномавий усулда тартибга солишида, ижодий фаолиятни хуқуқий муҳофаза қилишда фуқаролик хуқуқи мухим ўрин тутади. Зоро, у кундалик амалга оширадиган фаолиятимиз, ўзаро мулоқотлар, ташкилий-хўжалик алоқалари, моддий ва маънавий эҳтиёжларимизни қондириш каби кўплаб ҳаётий муносабатларни тартибга соладиган, ўрганадиган хуқуқ соҳаси саналади.

Адабиётларда келтирилишича, фуқаролик қонун хужжатлари билан тартибга солинадиган муносабатлар куйидаги шаклда келтирилган:

- **мулкий хуқуқлар;**
- **шахсий-номулкий хуқуқлар;**
- **ташкилий-хуқуқий мазмундаги корпоратив муносабатлар.**

Профессорлар Х.Р.Раҳмонқулов ва О.О.Оқюловларнинг фикрича эса, фуқаролик қонун хужжатлари томонидан тартибга солинадиган муносабатларнинг уч тури фарқланади:

- ✓ **мулкий муносабатлар;**
- ✓ **шахсий номулкий муносабатлар;**
- ✓ **мулкий муносабатлар боғлиқ бўлмаган, объекти сифатида инсоннинг унинг ўзидан ажралмас хуқуқ ва эркинликлари, шунингдек, бошқа номоддий манбаатлар ҳисобланган шахсий муносабатлар фарқланади.**

Иқтисодиёт соҳасида амал қилувчи **мулкий муносабатлар** кўрсатиб ўтилган муносабатлар ичида етакчи ўрин тутади. Товар-пул муомаласида товар сифатида иштирок этадиган ёки иштирок этиши мумкин бўлган мол-мулк уларнинг асосий обьекти ҳисобланади. Бозор иқтисодиётига ўтилиши билан боғлиқ равишда фуқаролик қонун хужжатлари билан тартибга солинадиган мулкий муносабатларнинг мол-мулкнинг янги тоифаларини қамраб олиш жараёни содир бўлмоқда. Бугун уларнинг сирасига, жумладан, товарга айланиб улгурган ер, бошқа табиий ресурслар, кўп қаватли тураржой бинолари, бошқа тураржой квартиralари киритилмоқда.

Мулкий муносабатларга боғлиқ шахсий номулкий муносабатлар кўпчилик ҳолларда муаллифлик хуқуқи, исмга бўлган хуқуки ҳамда илм-фан, адабиёт ва санъат асарларига, ихтиrolар, саноат намуналарига бўлган бошқа шахсий номулкий муносабатлар, адабиёт ва санъат асарлари ижрочиларининг шахсий номулкий хуқуқлари юзасидан вужудга келади.

Иқтисодий мазмунга эга бўлмаган ва тўғридан-тўғри пулда баҳолашнинг имкони бўлмаган хуқуқлар бундай муносабатларнинг обьекти ҳисобланади. Аммо ушбу хуқуқларнинг эгалари, бир пайтнинг ўзида, мулкий хуқуқларга, энг аввало, ўзининг интеллектуал фаолияти натижаларидан фойдаланишга мутлақ хуқуққа эгадирлар. Шунга боғлиқ равишда улар ушбу номулкий муносабатлар билан туташ мулкий муносабатлар асосида моддий наф топишлари ва даромад олишлари мумкин.

Инсоннинг ажралмас хуқуқ ва эркинликлари, шунингдек, бошқа номоддий неъматлар билан боғлиқ манбаатларни ҳимоялаш бўйича муносабатлар алоҳида турни ташкил этади.

Ушбу муносабатлар мулкий муносабатлар билан бевосита боғлиқ эмас, аммо тегишли ҳукуқ, эркинлик ва манфаатлар бузилганда уларнинг эгаларига етказилган маънавий зиён учун товоң тўлаш бошқа чоралар билан биргаликда қўлланиши мумкин. Фуқаролик кодекси фуқаролик қонун ҳужжатлари билан муҳофаза қилинадиган ҳукуқ, эркинлик ва бошқа номоддий манфаатларнинг рўйхати очиқ бўлиши (узил-кесил бўлмаслиги) нуқтаи назарида туради, бу эса унинг қўлланиш доирасини анча кенгайтиради<sup>2</sup>.

*Ўзбекистон Республикаси Фуқаролик кодексининг 8-моддасида фуқаролик ҳукуқ ва бурчларининг вужудга келиши асослари келтирилган.*

Унга кўра, *фуқаролик ҳукуқ ва бурчлари қонун ҳужжатларида назарда тутилган асослардан, шунингдек, фуқаролар ҳамда юридик шахсларнинг, гарчи қонун ҳужжатларида назарда тутилган бўлмаса-да, лекин фуқаролик қонун ҳужжатларининг умумий негизлари ва мазмунига кўра фуқаролик ҳукуқ ҳамда бурчларни келтириб чиқарадиган ҳаракатларидан вужудга келади.*

*Фуқаролик ҳукуқ ва бурчлари қўйидагилардан вужудга келади:*

1) қонунда назарда тутилган шартномалар ва бошқа битимлардан, шунингдек, гарчи қонунда назарда тутилган бўлмаса-да, лекин унга зид бўлмаган шартномалар ва бошқа битимлардан;

2) қонунда фуқаролик ҳукуқ ва бурчлари вужудга келишининг асоси сифатида назарда тутилган давлат органларининг ёки фуқароларнинг ўзини ўзи бошқарии органлари ҳужжатларидан;

3) суднинг фуқаролик ҳукуқ ва бурчларини белгилаган қароридан;

4) қонун йўл қўядиган асосларда мол-мулк олиши натижасида;

5) фан, адабиёт, санъат асарларини яратиш, ихтиrolар ва бошқа интеллектуал фаoliyati натижасида;

6) бошқа шахсга зарар етказилиши натижасида;

7) асоссиз бойиб кетиши натижасида;

8) фуқаролар ва юридик шахсларнинг бошқа ҳаракатлари натижасида;

9) қонун ҳужжатлари фуқаролик-ҳукуқий оқибатларнинг келиб чиқиши билан бозгайдиган ҳодисалар натижасида.

*Давлат рўйхатидан ўтказилиши шарт бўлган мол-мулкка бўлган ҳукуқлар, агар қонунда бошқача тартиб назарда тутилган бўлмаса, унга бўлган тегишили ҳукуқлар рўйхатдан ўтказилган пайтдан бошлаб вужудга келади.<sup>3</sup>*

<sup>2</sup> Ўзбекистон Республикаси Фуқаролик кодексига шарх . 1-жилд.

Ўзбекистон Республикаси Фанлар Академиясининг академиги, юридик фанлари доктори, профессор X. Р. Рахмонкулов, юридик фанлари доктори, профессор О. О. Оқюлов таҳрири остида.  
Тошкент «Вектор-Пресс» 2010.

<https://www.osce.org/files/f/documents/8/7/74875.pdf>

<sup>3</sup> Ўзбекистон Республикасининг Фуқаролик кодекси. (2021 йил 1 марта) бўлган ўзгартиш ва қўшимчалар билан).  
Ўзбекистон Республикаси Қонун ҳужжатлари маълумотлари миллӣ базаси [www.lex.uz](http://www.lex.uz) (расмий манба) асосида.  
Тошкент “Yuridik adabiyotlar publish” 2021.  
<https://lex.uz/docs/111189>

Ушбу модда фуқаролик-хукуқий муносабатларининг юзага келиши учун асосларни назарда тутмоқда. Фуқаролик хукуқ ва бурчларни вужудга келтирувчи бундай асос деб атрофимиздаги воқеликнинг **юридик фактлар** деб аталувчи ҳолатлари тушунилади. Уларни айрим ҳолларда фуқаролик хукуқи субъектининг ихтиёри билан, бошқа ҳолатларда эса унинг ихтиёрига боғлиқ бўлмаган ҳолда юзага келиши юридик фактларни тегишли равишда ҳаракатлар ва ҳодисаларга ажратиш имконини беради.

**Ҳодисалар** деганда атрофимизни ўраб турган воқеликнинг субъектларнинг ихтиёрига боғлиқ бўлмаган ҳолатлари тушунилади (масалан, *инсоннинг тугилиши ёки ўлими, турли табиат ҳодисалари*).

**Юридик факт** деб тан олинадиган ҳаракатлар қонуний ва ноқонуний деб ажратилиши мумкин.

**Қонуний юридик фактлар** деб қонун ҳужжатлари асосида ва ушбу модданинг иккинчи қисми 1-5-бандларини мисол қилиб келтиришимиз мумкин.

**Ноқонуний юридик фактлар** қонун ҳужжатларига шартномалар ёки зиммага олинган турли мажбуриятларнинг шартларига зид ва уларни бузувчи ва ушбу модданинг иккинчи қисми 6–7 бандларини мисол қилиб келтиришимиз мумкин.

Энди фуқаролик хукуқ ва бурчларини вужудга келиш асосларини кўриб чиқамиз.

**Қонунда назарда тутилган шартномалар ва бошқа битимлардан, шунингдек, гарчи қонунда назарда тутилган бўлмаса-да, лекин унга зид бўлмаган шартномалар ва бошқа битимлардан**

Шартномалар ва бошқа битимлар фуқаролик-хукуқий муносабатларнинг юзага келиши учун энг кўп учрайдиган асос ҳисобланади. *Ўзбекистон Республикаси Фуқаролик кодексининг 353-моддасига мувофиқ икки ёки бир неча шахснинг фуқаролик хукуқлари ва бурчларини вужудга келтириши, ўзгартириши ёки бекор қилиши ҳақидаги келишуви шартнома дейилади.*

Битимлар ҳам бир томонлама бўлиши мумкин. Бир томонлама битимда бир томоннинг иродаси фуқаролик-хукуқий муомаланинг бошланиши учун асос сифатида етарлидир, ўз навбатида битимларнинг ушбу тури фақат уни амалга оширган томон учун мажбурий ҳисобланади. Иккинчи томоннинг хукуқ ва мажбуриятлари фақат унинг розилиги билан ёхуд қонунчиликда белгиланган асосларда юзага келиши мумкин. Бир томонлама битимларга ишончнома, оммавий танлов, васият ва бошқалар мисол бўлиши мумкин.

**Қонунда фуқаролик хукуқ ва бурчлари вужудга келишининг асоси сифатида назарда тутилган давлат органларининг ёки фуқароларнинг ўзини ўзи бошқариши органлари хужжатларидан**

Қонунда фуқаролик хукуқ ва бурчларини вужудга келиши учун асос сифатида назарда тутилган давлат органларининг ёки фуқароларнинг ўзини-ўзи бошқариш органларининг ҳужжатлари ҳам фуқаролик-хукуқий оқибатлар юзага келиши учун асос бўлиб хизмат қилиши мумкин. Одатда, давлат органлари ёки фуқароларнинг ўзини-ўзи бошқариш органлари оммавий хукуқий муносабатларнинг субъекти бўлиб ҳисобланади ва асосан уларнинг ҳужжатлари маъмурий хукуқий муносабатларни келтириб чиқаради. Фақатгина қонунда тўғридан-тўғри

назарда тутилган ҳолатлардагина юқорида кўрсатилган хужжатлар фуқаролик-хукукий оқибатлар учун асос бўлиши мумкин.

***Суднинг фуқаролик хукуқ ва бурчларини белгилаган қароридан***

Судлар, иқтисодий суди ёки ҳакамлик судининг қарори фуқаролик хукуқ ва бурчларининг вужудга келиши, шунингдек, уларни ўзгартириш ёки бекор қилиш учун асос бўлиши мумкин.

Эгасиз ашёга мулк хукукини тан олиш тўғрисидаги суднинг қарори, мулк хукукини бекор қилиш тўғрисидаги суднинг қарори ёки вояга етмаган шахсни ўзи ишлаб топган маблағини мустақил тасарруф қилиш хукукини чеклаш ёки шу хукуқдан маҳрум қилиш тўғрисида суднинг қарори бунга мисол бўлиши мумкин.

***Қонун йўл қўйдиган асосларда мол-мулк олиши натижасида***

Ўзбекистон Республикаси Фуқаролик кодекси 8-моддасининг тўртинчи бандида белгиланган қоида субъектлар учун қонунда йўл қўйилган бошқа асосларда ҳам мол-мулкни кўлга киритишга имкон яратади.

Жумладан, Фуқаролик кодекси томонидан назарда тутилган ўсимлик, ҳайвонот дунёси ва жонсиз табиатнинг ҳамма олиши мумкин бўлган бошқа обьектларига (**ЎзР ФК 189-моддаси**), эгасиз ашёга (**ЎзР ФК 191-моддаси**), топилмага (**ЎзР ФК 192-моддаси**), қаровсиз ҳайвонларга (**ЎзР ФК 195-моддаси**), хазинага (**ЎзР ФК 196-моддаси**) ва ҳоказоларга мулк хукукини кўлга киритиш имконияти шулар сирасига киради. Аммо фуқаролик-хукукий оқибатлар юзага келиши учун мол-мулкни мазкур асосларда кўлга киритиш қонун хужжатлари талабларига мувофиқ амалга оширилиши талаб этилади. Масалан, ашёни топган шахс топилма ҳақида хабар қилмаган бўлса ёки уни яширишга уринган бўлса, мукофот олиш хукуки вужудга келмайди (**ЎзР ФК 194-моддаси**).

***Фан, адабиёт, санъат асарларини яратиши, ихтиrolар ва бошқа интеллектуал фаолият натижасида***

Илм-фан, адабиёт, санъат асарларини, ихтиrolар ва интеллектуал фаолиятнинг бошқа натижаларини яратиш фуқаролик-хукукий оқибатлар юзага келиши учун асос бўлиши мумкин. Фуқаролик хукуқ ва бурчлари уларни яратиш натижасида вужудга келади, аммо ихтиро билан боғлиқ ҳолда фақат муаллифнинг, қонун хужжатларида белгиланган тартибда уни ихтиро муаллифи деб тан олиш хукуқигина пайдо бўлади. Қонунда белгиланган патентни олганидан сўнг муаллиф мазкур ихтирога нисбатан мутлақ хукуқларни қўлга киритади. Инсон ҳали болалик пайтидаёқ интеллектуал асарга муаллифлик хукуқига эга бўлиши мумкин.

***Бошқа шахсга зарар етказиши натижасида***

Ўзбекистон Республикаси Фуқаролик кодекси 8-моддасининг олтинчи ва еттинчи бандларида кўрсатилган ноқонуний ҳаракатлар фуқаролик хукуки ва бурчларини вужудга келиши учун асос бўлиши мумкин. Бошқа шахсга зарар етказиши натижасида қонун бузилиши уни содир этувчида зарарни жабрланганга қоплаб бериш бурчини ҳамда жабрланган кишида эса, кўрган зарарини қопланишини талаб қилиш хукукини вужудга келишига олиб келади. Мазкур қонун бузилишлари Ўзбекистон Республикаси Фуқаролик кодексининг зарар етказишдан келиб чиқадиган мажбуриятлар билан боғлиқ моддалари орқали тартибга солинади.

Ушбу модданинг еттинчи бандида кўрсатилган фуқаролик ҳукуқининг бузилиши ҳам асосиз бойиб кетган шахс учун, у кимнинг ҳисобига бойиган бўлса, ўша кишининг олдида мажбуриятни келтириб чиқаради.

***Фуқаролар ва юридик шахсларнинг бошқа ҳаракатлари натижасида***

Юқорида кўрсатилганидек, Ўзбекистон Республикаси Фуқаролик кодексида назарда тутилмаган ҳаракат ва ҳодисалар ҳам фуқаролик ҳуқуқ ва бурчларининг вужудга келиши учун асос бўлиши мумкин, чунки фуқаролик-ҳукуқий муносабатларнинг вужудга келиши учун асос бўлиши мумкин бўлган барча ҳаракат ва ҳодисаларни Фуқаролик кодексида санаб ўтишнинг имкони йўқ.

***Қонун ҳужжатлари фуқаролик-ҳукуқий оқибатларнинг келиб чиқиши билан боғлайдиган ҳодисалар натижасида***

Ҳодиса – бу одам ихтиёридан қатъий назар юзага келадиган реал борлиқнинг воқеасидир. Масалан, зилзила каби ҳодиса турар жойни суғурталаган шахснинг, агар зилзила оқибатида уй бузилган бўлган тақдирда, суғурта товонини (зарар компенсациясини) олиш ҳукуқини вужудга келтирувчи ҳукуқий далил **факт** бўлиб ҳисобланади. Кишининг вафоти каби ҳодиса кўп сонли ҳукуқий оқибатларни туғдириши мумкин—вафот этган фуқаро иштирок этган мажбуриятларнинг бекор бўлиши, мол-мулк мерос бўлиб ўтиши бўйича ҳукуқий муносабатлар ва х.к.

**Фойдаланилган адабиётлар:**

1. Каримов И.А. Асосий вазифамиз – жамиятимизни ислоҳ этиш ва демократлаштириш, мамлакатимизни модернизация қилиш жараёнларини янги босқичга кўтаришдан иборат. Ўзбекистон Республикаси Биринчи Президенти Ислом Каримовнинг Ўзбекистон Республикаси Конституцияси қабул қилинганининг 23 йиллигига бағишиланган тантанали маросимдаги маъruzasi. //Халқ сўзи, 2015 йил 6 декабрь;

2. Ўзбекистон Республикаси Фуқаролик кодексига шарҳ . 1-жилд.

Ўзбекистон Республикаси Фанлар Академиясининг академиги, юридик фанлари

доктори, профессор

Х. Р. Рахмонқулов, юридик фанлари доктори, профессор О. О. Оқюлов таҳрири остида.

Тошкент «Вектор-Пресс» 2010.

<https://www.osce.org/files/f/documents/8/7/74875.pdf> ;

3. Ўзбекистон Республикасининг Фуқаролик кодекси. (2021 йил 1 марта бўлган ўзгартиш ва қўшимчалар билан). Ўзбекистон Республикаси Қонун ҳужжатлари маълумотлари миллий базаси [www.lex.uz](http://www.lex.uz) (расмий манба) асосида.

Тошкент “Yuridik adabiyotlar publish” 2021.

<https://lex.uz/docs/111189>.